

**سهلو القضية على رواحكم**

ما تنساش: عمرك ما تعبي الماكينة للفم، خلي 10% فارغ. ديما حط 20 مل خلّ تنظيف في الحاوية متع الكاجولين (assouplissant) على خطرو يقضي على البقايا متع مواد التنظيف، يطريّ الدبش، يحيي الالوان وينظف. تنجم تحط قشره برقدان في الدبوزة باش تقوّح الخل متاعك وإلا صبّ قطرتين زيوت أساسية إلي تعجبك مع الخل في الحاوية متع الكاجولين.

بالنسبة للفشفاشات وإلا للماعون، زيدو شوية ما أوسموزي وإلا معدني بش تقوى الفاعلية متاعو، وماتنساوش باش تخضو مليح قبل الإستعمال.

**للدبش الملون وإلا الأبيض (ماكينة من 5 ل 7 كغ):**

- صبّ 150 مل مالبابون الأكل في فشفاسة من فئة 500 مل. فشفش على البقايع من غير ما تحكهم قبل ما تحط الدبش في الماكينة.
- حط 3 مغارف كبار متع بيكاربونات الصودا في الحاوية متع الغسيل (لون الأبيض، زيد مغرفة صغيرة متع باركاربونات الصوديوم) و20 مل متع خلّ تنظيف في الحاوية متع الكاجولين.
- خدّم الماكينة ما بين 40 و60 درجة، إنت وقداش الدبش إمسخ، 40° لماكينة إمسخة شوية (دبش متع كبار)، 60° لماكينة إمسخة (دبش صغار).

**بالنسبة لبرنامج تبييض (دبش مستصفر وإلا عاطي على الرمادي):**

- صبّ 3 مغارف كبار متع بيكاربونات الصودا في الحاوية متع الغسيل، 2 مغارف كبار متع باركاربونات في وسط الماكينة قبل ما تشرجيهها و20 مل خلّ تنظيف في الحاوية متع الكاجولين. خدّمها على 60°.
- لغسيل السبادريات: حطّ 50 مل خلّ تنظيف في حاوية الغسيل، أغسل بالبارد وخليهم يشيحو وحدهم. البرنامج هذا يرجع الروح لسبادرياتكم.
- لأي نوع متع قاعة: صبّ 50 مل خلّ تنظيف في سطل 10 ل. أكنس الغبرة بعد نظّف. ما حاجتكش بش تشلّل بالما.
- زيد في دوزة الخلّ حسب حالة القاعة.

**لبيت الحمام، السبايل، الجوانات، لافابوات الكوجينة:**

صبّ 100 مل خلّ تنظيف في فشفاسة من فئة 500 مل بعد كملّ بالما (التكشكيش هي حاجة عادية إلي توري فاعلية بيكاربونات الصودا). فشفش، إستنى شوية دقائق بعد نطف بسبونتاكس شايحة، خلي يشيخ من غير ما تشلّل بالما. بالطريقة هادي، تنظف، تلمع وتطهر!

**للبلّار والمرابية:**

صبّ 100 مل خلّ تنظيف في فشفاسة من فئة 500 مل، كملّ عبيها بالما. فشفش على البلّار والمرابية بعد نظّف بسبونتاكس. في الإخر، كمّش ورقة جريدة وحكّ البلّار. تنجم تفشفش (حطّ الفشفاسة على بعد 50 صم) الخليط هذ على بيت الصالة، الريدوات، الزرابي، كل أنواع القماش... بش تقضي على الروايح الخايبة.

**للماعون:**

لماكينة غسيل الماعون، حطّ مغرفة كبيرة صابون أكحل سائل في حاوية الغسيل و50 مل خلّ تنظيف محلول في 500 مل ما في حاوية التشليل.

تنجم زادة تهبط طريقة الإستعمال على السيت واب متاعنا: [www.sno.tn](http://www.sno.tn)